

UNIVERZITET U SARAJEVU
FAKULTET ZDRAVSTVENIH STUDIJA
SARAJEVO

Adresa: Bardakčije 1
Sarajevo, 9.9.2025. godine

Na osnovu člana 111. i 257. Statuta Univerziteta u Sarajevu (01-14-35-1/23), a u vezi s članom 123. Zakona o visokom obrazovanju (Službene novine Kantona Sarajevo broj 36/22) Vijeće Univerziteta u Sarajevu – Fakulteta zdravstvenih studija na 27. redovnoj sjednici održanoj 3.7.2025. godine donijelo je Odluku broj 04-1-1406/25 o imenovanju Komisije za izbor saradnika u zvanju viši asistent (radni odnos s nepunim radnim vremenom) za predmet „Zdravstvena njega djece“ (dva izvršioca) po Konkursu objavljenom 14.6.2025. godine u dnevnom listu „Dnevni avaz“ i na web stranicama Univerziteta u Sarajevu – Fakulteta zdravstvenih studija, Univerziteta u Sarajevu i JU Služba za zapošljavanje Kantona Sarajevo u sljedećem sastavu:

1. **Dr. sc. Vedran Đido - predsjednik**, redovni profesor za naučne oblasti „Zaštita i njega individualnog zdravlja“ i „Opšti zdravstveni predmeti“ Univerzitet u Sarajevu – Fakultet zdravstvenih studija.
2. **Dr. sc. Jasmina Mahmutović - član**, redovna profesorica za naučne oblasti „Zaštita i njega individualnog zdravlja“ i „Zaštita i njega zdravlja porodice“ Univerzitet u Sarajevu – Fakultet zdravstvenih studija.
3. **Dr. sc. Suada Branković - član**, redovna profesorica za naučne oblasti „Zaštita i njega zdravlja zajednice“ i „Sistemi zdravstvene zaštite“ Univerzitet u Sarajevu – Fakultet zdravstvenih studija.

Konkurs je raspisan za dva (2) izvršioca saradnika u zvanje viši asistent.

Na konkurs su se prijavili: **Senka Fatić**
Alma Hadžić

Na osnovu Zapisnika sa konstituirajuće sjednice Komisije za pripremanje prijedloga za izbor u zvanje broj 07-3-1463/25 od 10.7.2025. godine prijave kandidatkinja su blagovremene i potpune. Shodno prethodno navedenom Komisija za izbor u zvanje VIŠI ASISTENT (radni odnos s nepunim radnim vremenom) podnosi sljedeći izvještaj:

IZVJEŠTAJ

1. Kandidatkinja Senka Fatić

1.1 Biografski podaci

Senka Fatić rođena je 18. maja 1971. godine u Tuzli, gdje je završila osnovno obrazovanje. Srednju medicinsku školu na Bjelavama u Sarajevu završava 1989. godine s odličnim uspjehom, smjer medicinska sestra – tehničar.

Tokom ratnog perioda u Bosni i Hercegovini, aktivno je učestvovala kao član medicinskog tima 101. brigade stacionirane u kasarni "Ramiz Salčin", a zatim i kao patronažna sestra u okviru Civilne zaštite, gdje ostaje angažovana do kraja rata. Od 1997. godine zaposlena je na Pedijatrijskoj klinici Kliničkog centra Univerziteta u Sarajevu (KCUS), gdje pretežno radi na odjeljenju hematoonkologije. Već naredne godine, 1998., kao član stručnog tima Pedijatrijske klinike, učestvuje u edukaciji u Univerzitetskom centru u Gentu, Belgija. Svoje obrazovanje nastavlja 2006. godine upisom na Fakultet zdravstvenih studija u Sarajevu, studij Sestrinstvo, koji uspješno završava 2011. godine. Diplomski rad odbranila je na temu „Infekcije kod djece liječene od akutne limfoblastne leukemije“. U 2013. godini završava specijaliziranu edukaciju za transplantaciju matičnih ćelija kod djece na Pedijatrijskoj klinici Kliničkog centra u Ljubljani, Slovenija. Iste godine raspoređena je na poziciju glavne medicinske sestre Odsjeka za autolognu transplantaciju matičnim ćelijama hematopoeze na Pedijatrijskoj klinici KCUS-a. Kao glavna sestra navedenog odsjeka, aktivno učestvuje u realizaciji prve autologne transplantacije matičnim ćelijama hematopoeze kod djece u Bosni i Hercegovini, koja je uspješno provedena 2015. godine. U periodu od 2016. do 2024. godine obavljala je funkciju glavne medicinske sestre Pedijatrijske klinike 2, a trenutno je zaposlena kao glavna sestra Hematoonkološkog odjeljenja Pedijatrijske klinike KCUS-a. Paralelno s profesionalnim angažmanom, nastavlja i akademski razvoj. U periodu 2020–2021. godine završava drugi ciklus studija na Fakultetu zdravstvenih studija u Sarajevu, te stiče akademsku titulu magistra zdravstvene njege. Magistarski rad izradila je na temu „Uticaj socioekonomskih faktora na nastanak sideropenijske anemije kod djece“. Od 2016. godine angažovana je na Fakultetu zdravstvenih studija Univerziteta u Sarajevu, prvo kao stručni saradnik, a od 2022. godine kao asistent na predmetu „Zdravstvena njega djece.“ Senka Fatić je aktivna učesnica brojnih edukacija, kongresa i stručnih simpozija posvećenih unapređenju zdravstvene njege i stručnom usavršavanju medicinskih sestara.

Za svoj dugogodišnji stručni rad i doprinos razvoju sestrinstva, Senka Fatić je 12. maja 2021. godine odlikovana Zlatnom plakatom Komore medicinskih sestara i tehničara Kantona Sarajevo.

1.2 Učešće na međunarodnim simpozijumima, konferencijama, kongresima

1. V kongres medicinskih sestara i tehničara u BiH sa međunarodnim učešćem, Sarajevo, 01–04.12.2011.
Predavanje: „Infekcije kod djece liječene od akutne limfoblastne leukemije“ (Fatić S., Cocalić H.)
2. IX ljetna pedijatrijska škola, Sarajevo, 2009.
Prezentacija: „PICC (Long Line)“ (Cocalić H., Čengić N., Fatić S.)
3. Kongres hematologa i transfuziologa BiH sa međunarodnim učešćem, Sarajevo, 26–28.10.2017.
Predavanje: „Leukemije kod djece – uloga medicinske sestre u njezi“ (Hidić M., Cocalić H., Fatić S.)
4. Kongres pedijatara BiH sa međunarodnim učešćem, Tuzla, 10–13.05.2018.
Pozvani predavač: „Autologna transplantacija matičnim ćelijama hematopoeze kod djece“ (Fatić S.)

5. Kongres pedijataru u BiH sa međunarodnim učešćem, Sarajevo, 11–14.05.2023.
Pozvani predavač: „Razvoj sestrinstva i zdravstvene njege“ (Fatić S., Hadžić A.)
Koautor: „Značaj kliničke sestrinske prakse u tretmanu pedijatrijskih pacijenata sa multisistemskim inflamatornim sindromom“ (Hadžić A., Fatić S.)

1.3 Edukacije (neformalne)

1. Specijalizirana edukacija za transplantaciju matičnih ćelija kod djece
Mjesto: Pedijatrijska klinika, Klinički centar Ljubljana, Slovenija
Godina: 2013.
2. Edukacija u okviru tima Pedijatrijske klinike KCUS
Mjesto: Univerzitetski centar Gent, Belgija
Godina: 1998.
3. Certifikat o edukaciji za interne auditore i menadžere kvaliteta
Organizator: ISS Institut za standarde i sigurnost
Naziv: „Sistem upravljanja kvalitetom u skladu sa paradigmom standarda ISO/IEC 9001:2015 – Zahtjevi, ISO 19011:2018 – Uputstvo za provjeravanje sistema menadžmenta“
Mjesto: Sarajevo
Datum: 17.04.2022.

1.4 Učešće u projektima

1. Naziv projekta: *Praćenje kasnih posljedica liječenja kod djece i mladih liječenih od malignih oboljenja na Hematoonkološkom odjeljenju Pedijatrijske klinike KCUS-a*
Opis: Projekat realizovan u skladu sa preporukama međunarodnih organizacija SIOP Europe i PanCare.
Uloga: Učesnik/član tima
Godina: 2025.

1.5 Publikacije (priručnik)

1. Vasić N, Stančić O, Akšamija H, Behlulović M, Ređepašić M, Alečković M, Fatić S. *Priručnik za pedijatrijske medicinske sestre*. Sarajevo: Klinički centar Univerziteta u Sarajevu; 2009.

1.6 Nastavno-pedagoški rad

Senka Fatić je od 2016. godine angažovana na Univerzitetu u Sarajevu - Fakultetu zdravstvenih studija gdje je najprije djelovala kao stručni saradnik, a od 2022. godine kao asistent na predmetu Zdravstvena njega djece. U okviru nastavnog angažmana učestvuje u izvođenju praktične nastave studenata, te aktivno doprinosi unapređenju sadržaja kliničkih vježbi iz oblasti zdravstvene njege u pedijatriji.

2. Kandidatkinja Alma Hadžić

2.1 Biografski podaci

Alma Hadžić je rođena 20.01.1972. godine u Zvorniku. Srednju školu završila 1990. godine. Višu medicinsku školu završava 1998. godine, a diferencirani Studij Sestrinstvo upisuje 2006. godine na Fakultetu zdravstvenih studija Univerziteta u Sarajevu, te isti u statusu vanrednog studenta uspješno završava 2008. godine. Postdiplomski studij upisuje 2019. godine na istom Fakultetu Univerziteta u Sarajevu, te 2021. godine brani magistarski rad na temu „Zdravstvena njega djece kod Down sindroma nakon operacije anomalija srca“ čime stiče zvanje magistar zdravstvene njege. U toku rata u periodu od aprila 1992 do septembra 1996. godine, dobrovoljno se prijavila kao pomoćno zdravstveno osoblje na Ortopedskoj klinici Kliničkog centra Univerziteta u Sarajevu. Od 2000. godine zaposlena na Pedijatrijskoj klinici Kliničkog centra Univerziteta u Sarajevu. Završila je dodatne treninge za medicinske sestre vezane za dječiju i adolescentsku dob, među kojima i trening iz dječije i adolescentske psihijatrije i psihoterapije za medicinske sestre u trajanju od jedne godine od septembra 2007. godine do septembra 2008. godine na Kliničkom centru Univerziteta u Sarajevu - Psihijatrijska klinika - organizovanom od strane German Academic Exchange Service, Terra Tech, Stabilitypact for Eastern Europe.

Učestvovala je na mnogobrojnim stručnim i naučnim skupovima u regiji i inostranstvu.

Autor je i koautor brojnih objavljenih stručnih publikacija iz oblasti zdravstva.

Asistent na Univerzitetu u Sarajevu - Fakultetu zdravstvenih studija na predmetu „Zdravstvena njega djece“ u periodu od 2021. do 2025. godine.

2.2 Učešće na međunarodnim simpozijumima, konferencijama, kongresima

- 1 Sarajevski simpozij za medicinske sestre – tehničare sa međunarodnim učešćem, Sarajevo, 30.11.-03.12.2023. (predavač)
Rad: Potrebne kompetencije pedijatrijske medicinske sestre za provođenje dijagnostičko terapijskih procedura u analgosedaciji.
- 2 Sarajevski simpozij za medicinske sestre-tehničare sa međunarodnim učešćem, Sarajevo, 30.11.-03.12.2023. (koautor rada)
Rad: Značaj usmjerenog obrazovanja pedijatrijskih medicinskih sestara za sticanje kompetencija u praksi.
- 3 6. Kongres pedijataru u Bosni i Hercegovini sa međunarodnim učešćem, Sarajevo, 11.05.-14.05.2023. (predavač)

Rad: Značaj kliničke sestrinske prakse u tretmanu pedijatrijskih pacijenata sa multisistemskim inflamatornim sindromom.

- 4 6. Kongres pedijataru u Bosni i Hercegovini sa međunarodnim učešćem, Sarajevo, 11.05.-14.05.2023. (koautor rada)

Rad: Razvoj sestrinstva i zdravstvene njege.

- 5 5 Congress of Pediatric Society in Bosnia and Herzegovina with International Participation, Tuzla, 10.-13.05.2018. (predavač)

Rad: Značaj tilt table testa u pedijatrijskoj praksi.

- 6 5 Congress of Pediatric Society in Bosnia and Herzegovina with International Participation, Tuzla, 10.-13.05.2018. (koautor rada)

Rad: Zdravstvena njega djece nakon korekcije urođenih srčanih anomalija.

- 7 Drugi godišnji kongres Udruženja za preventivnu pedijatriju Srbije (UPPS) sa međunarodnim učešćem, Kragujevac, Srbija, 03.-04.05.2015. (koautor rada)

- 8 XIII Ljetna pedijatrijska škola (kardiologija, neuropedijatrija), Sarajevo, 31.05.-01.06.2013. (predavač)

Rad: Sinkope – Tilt Table Test.

- 9 VI Kongres udruženja kardiologa i angiologa Bosne i Hercegovine, II Kongres medicinskih sestara i tehničara kardiovaskularne medicine Bosne i Hercegovine, Tuzla, 30.05.-01.06.2013. (predavač)

Rad: Sy Down i urođene srčane anomalije.

- 10 VI Congress Association of Cardiologists of Bosnia and Herzegovina, II Congress of Nurses and Technicians in Cardiovascular medicine, Tuzla, 2013. (koautor rada)

Rad: Arterial hypertension in children - 24-hour automatic continuous measurement of blood pressure.

- 11 Akademija nauke i umjetnosti Bosne i Hercegovine, Simpozij „Urođene srčane anomalije“, Sarajevo, 2012. (predavač)

Rad: Postoperativni tretman djece sa urođenom srčanom anomalijom kod sy Down.

- 12 V Kongres kardiologa i angiologa BiH, I kongres medicinskih sestara i tehničara iz kardiovaskularne medicine BiH, Sarajevo, 2010. (predavač)

Rad: Postoperativni tretman djece sa urođenom srčanom anomalijom kod sy Down.

- 13 I Kongres medicinskih sestara i tehničara iz kardiovaskularne medicine Bosne i Hercegovine sa međunarodnim učešćem, Sarajevo, 27.-29.05.2010.

2.3 Edukacije (neformalne)

1. SS Institut za standarde i sigurnost. *Sistem upravljanja kvalitetom u skladu sa paradigmom standarda ISO/IEC 9001:2015 u vezi okvira ISO/IEC 9001:2015 sistemi upravljanja kvalitetom - Zahtjevi ISO19011:2018 Uputstvo za provjeravanje sistema menadžmenta.* Datum: 17.04.2022. Broj certifikata: 60/ISS/QMS
-

2. Workshop "Hospital Management for Southeast European Countries". JICA, Pedijatrijska klinika
Datum: 09. i 10. mart 2010.
3. „Učinkoviti principi menadžmenta bola kod djece“. Austrian Development Cooperation
Datum: 15. mart 2010.
4. „Kancerski bol kod djece“. Austrian Development Cooperation
Datum: 20. april 2010.
5. „Training in Child and Adolescent Psychiatry and Psychotherapy for nurses“. DAAD, TERRA TECH, STABILITYPACT FOR EASTERN EUROPE
Period: septembar 2007 – septembar 2008.
6. „Adolescence in Changing Societies“. DAAD, TERRA TECH, STABILITYPACT FOR EASTERN EUROPE, KCUS
Datum: 12-13. septembar 2008.

2.4 Publikacije (priručnik)

- 1 Vasić N. i sar. *Priručnik za pedijatrijske medicinske sestre*. Sarajevo: Klinički centar Univerziteta u Sarajevu; 2009.

2.5 Nastavno-pedagoški rad

Alma Hadžić aktivno je uključena u nastavno-pedagoški rad kao asistent na Univerzitetu u Sarajevu - Fakultetu zdravstvenih studija u periodu 2021. Do 2025. godine, na predmetu „Zdravstvena njega djece“. Tokom tog angažmana učestvovala je u pripremi i realizaciji nastavnih sadržaja kroz praktičnu nastavu u radu sa studentima. Također, ranije je obavljala funkciju sekretara Katedre za pedijatriju Medicinskog fakulteta Univerziteta u Sarajevu (2004–2015), čime je dodatno doprinijela organizaciji i kvaliteti nastavnog procesa na visokoškolskim ustanovama.

PRIJEDLOG S OBRAZLOŽENJEM

Na konkurs objavljen u dnevnom listu „Dnevni avaz“, na web stranici Univerziteta u Sarajevu – Fakulteta zdravstvenih studija i Univerziteta u Sarajevu, te JU Služba za zapošljavanje Kantona Sarajevo od 14.6.2025. godine za izbor u dva (2) saradnička zvanja viši asistent (radni odnos s nepunim radnim vremenom) za predmet „Zdravstvena njega djece“ prijavile su se dvije kandidatkinje **Senka Fatić** i **Alma Hadžić**. Komisija za pripremanje prijedloga za izbor u zvanje viši asistent je u skladu s članom 255. i 256. Statuta Univerziteta u Sarajevu broj 01-14-35-1/23 od 26.7.2023. izvršila je uvid u prispjelu dokumentaciju, te zapisnički (07-3-1463/25 od 10.7.2025.) utvrdila da su prijave kandidatkinja Senke Fatić i Alme Hadžić blagovremene i potpune.

Na osnovu uvida u dostavljenu dokumentaciju, odredaba Zakona o visokom obrazovanju Kantona Sarajevo (Službene novine Kantona Sarajevo broj 36/22) i Statuta Univerziteta u Sarajevu (01-14-35-


1/23), te na osnovu poznavanja angažmana i rada kandidata, Komisija jednoglasno zaključuje da **Senka Fatić, MA zdravstvene njege** (300 ECTS) i **Alma Hadžić, MA zdravstvene njege** (300 ECTS) su provele izborni period u saradničkom zvanju asistenta, te ispunjavaju uslove za izbor u saradničko zvanje **VIŠI ASISTENT** za predmet „Zdravstvene njega djece“ na Univerzitetu u Sarajevu – Fakultetu zdravstvenih studija.

Članovi komisije:

1. Prof. dr. sc. Vedran Đido, predsjednik



2. Prof. dr. sc. Jasmina Mahmutović, član



3. Prof. dr. sc. Suada Branković, član

